



### § 37 naapertorlugu apeqqummut nr 161-imut akissut

Asasara Naaja H. Nathanielsen

Ingerlatseqatigiiffinni Namminersorlutik Oqartussanit pigineqartuni aqutsilluarnissamut najoqqutassat pillugit Inatsisartut suleriaasianni § 37 naapertorlugu Naalakkersuisunut ilaatigut apeqquteqarputit. Apeqqutit uannut akineqartussanngortinneqarsimapput.

Apeqqutigineqartunut akissutikka ataani tullerriaarlutik allassimapput.

1. 2012-imi Naalakkersuisut isummiuppaat "Namminersorlutik oqartussanit pigineqartunik ingerlatseqatigiiffinnik aqutsilluarnissamut najoqqutassiat". Tassani saqqummiunneqarput Namminersorlutik oqartussanit pigineqartunik ingerlatseqatigiiffinni siulersuisuni ilaasortanut innersuusutit arlaqaqisut.
  - a) Najoqqutassianut taakkununga allannguutissanik piareersaasoqarpa? Taamaappallu qaqugu pissappat aamma sooq allannguisoqassava?
  - b) Qanoq iliuseqarlutik Naalakkersuisut malitseqartitsippat siulersuisut attaviitsuunissaannik aalajangersakkanut, soorlu taakku immikkoortoq 5.3-mi allaaserineqarsimasut?
  - c) Najoqqutassiami takuneqarsinnaavoq whistleblowereqarnissaanik pilersitsisoqartariaqartoq, inatsisitigut tunngaviusut inissippata. Naalakkersuisut suliffeqarfinnut pigisaminnut piumasarisaasut naammassineqartalernissaat ukiuni aggersuni piumasarilersaarpaat?

#### Akissut:

Aktiaateqarluni ingerlatseqatigiiffinni Namminersorlutik Oqartussani pigineqartuni aqutsilluarnissamut najoqqutassat taaneqartut ingerlatseqatigiiffiup qullersaannut Naalakkersuisullu ingerlatseqatigiiffinnik piginnittutut ingerlatsinerinut sakkusaapput pingaarutilerujussuit, Najoqqutassat taamatut isikkullit politikikikut ineriartorneq aammalu ingerlatseqatigiiffinnik aqutsinermut tunngatillugu pingaaruteqartillugit ingerlaavartumik nalilersortarnissaat pissusissamisoorpoq. Najoqqutassat 2012-imeersut allanngortinnissaat pilersaarutigineqanngikkallarpoq.

Ingerlatseqatigiiffiit ataatsimeersuannginnerini siulersuisut katitigaanerisa Naalakkersuisunit aalajangiiffineqartarnerisigut ingerlatseqatigiiffinni siulersuisut kiffaangissuseqarlutik ingerlatsisinnaanerit aammalumi aktiaateqarluni ingerlatseqatigiiffinnut inatsimmi ingerlatseqatigiiffinnut aqutsisut pillugit kapitali 9-mi piumasaqaataasut kiisalu ingerlatseqatigiiffinnik ingerlatsilluarnissamik maleruagassat Naalakkersuisunit malitseqartinneqartarput.

ingerlatseqatigiiffinnik ingerlatsilluarnissamut maleruagassat allanngortinneqarnissaat oqaatigineqareersutut pilersaarutigineqanngilaq, Tamatuma saniatigut ingerlatseqatigiiffiit whistleblowereqarnissamut aqqissuussinissamut (kinaassutsimik

03-08-2016  
Sullap nr. 2016 - 11426  
Allakkat nr. 3206386

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

ersersitsuunngitsumik ilisimasamik ingerlatitseqqissinnaanermut periarfissiisumik) ilitsersuunneqartarnissaanut maleruagassat allanngortinnissaat Naalackersuisunit pilersaarutigineqanngilaq.

- 2. Apriilimi 2015-imi Naalackersuisunit ilisimatinneqarpunga 2015-ip naanerani pinerlulluni ingerlatseratarsinnaanissamut iliusissanik Namminersorlutik Oqartussani tamarmi atuutsitsisoqalissasoq. Tamanna piviusunngorpa? Taamatut politikkeqalernissaq atuutilereerneratigut nalilersorneqarpa naalackersuisoqarfinnilu suleriaatsinik allannguinerneq kinguneqarsimava?**

**Akissut:**

§ 37 naapertorlugu apeqquummut nr. 90-imut 15. april 2015-imi akissuteqarnermi oqaatigineqarpoq "Namminersorlutik Oqartussani tamarmiusuni peqquserluttuliorneq akiorniarlugu najoqqutassamut nutaamut missingiut 2015-ip ingerlanerani atuutsilersinneqassasoq".

Suliaq naatsorsuutigisamit pisariunerusimavoq angunigarlu anguneqanngitsoorluni.

Peqquserluttuliorneq akiorniarlugu politikkip ilaagaa Whistleblower-imik aqqissuussinissaq. Whistleblower-imik aqqissuussineq 2015-imi atuutsilersinneqarpoq namminersorlutik oqartussanilu atorfillit Nanuaraq.naalackersuisut.gl.aqqutigalugu paasissutissanik nalunaarutiginninnissamullu immersuiffissamik aallarsinnaallutik. Whistleblowerimik aqqissuussap kapitaliani 1-imi, § 2 naapertorlugu Kalaallit Nunaanni Namminersorlutik Oqartussani sulisut tamarmik ajunngitsumik siunertaqarlutik atorfeqartitaanerminnut ajoqutaasumik pissusilersortoqarnissaa ersissutiginaq aqqissuussamut paasissutissiisinnaatitaapput.

Paasissutissat kinaassutsimik isertuussilluni tunniunneqarsinnaapput. Atorfilik oqarasuaatitigut imaluunniit qarasaasiatigut Whistleblower-imut isertarfik aqqutigalugu saaffiginnippat, atorfilik ilisimatinneqartarpoq kinaassutsimik isertuussinissamut periarfissaqartoq. Suliffeqarfimmi tunaartarisassanik kaajallaasitanillu unioqqutitsinerit annertuut kiisalu inatsisinik unioqqutitsinernik annertuunik tunngavissalimmik pasitsaassisoqartillugu, tassunga ilanngullugu akilersilluni peqquserlunneq, paasissutissaapput aqqissuussineq taanna aqqutigalugu nalunaarutigineqarsinnaasut.

Peqquserluttuliornermik akiuiniarneq sulisunut amerlasuunut attuumassuteqarpoq, suliallu suliarineqarneranut atatillugu susassaqtut amerlasuut tusarniaaffigineqarsimallutik. Aqqissuussineq suliffimmili atuutsilersinneqartinnagu suliaq HSU-mut ilisimatitsissutitut saqqummiunneqartussaavoq. aasaanerani sulinngiffeqareernerup kinguinngua HSU-mi ataatsimiittoqarnissaa naatsorsuutigineqarpoq.

Aatsitassarsiornermut atatillugu peqquserluttuliuunnginnissamik immikkut akiuiniarnermut periusissaq akuerineqaaqqammerpoq.

- 3. 2014-imi nunatsinni inatsisit Århusimi isumaqatigiisummut 2 naapertuunneranik nalilersuisumik inatsilerituutut suliamik saqqummiussisoqarpoq. Suliaq Avatangiisinut Pinngortitamullu Naalackersuisoqarfimmit imissutigineqarsimavoq. Massakkut ukiut marluk ingerlareerput.**

a) Inatsilerituut suliap innersuussutai Naalackersuisunit atuuttunngortinniarneqalereerpat?

b) Naalackersuisut innersuussutaasut tamakkiisut aalisarnermut inatsimmi, aatsitassarsiornermut inatsimmi, maalaarsinnaatitaanermut sulianullu paasiniaasinnaatitaanernut malitarisassanut atuutsitsilersaarpat? Taamangippat: Innersuussutit sorliit malinniarneqanngillat, aamma soq malinniarneqanngillat?

**Akissut a):**

Århusimi isumaqatigiisummut naapertuunneranik nalilersuineq tassaavoq suliamut tunngatillugu nalunaarusiaq avatangiisinut Århus Universitet-imi inatsisit pillugit professorimit Ellen Margrethe Bassemitt suliarineqarsimasoq. Nalunaarusiami atuarneqarsinnaavoq Århusimi isumaqatigiisut tamakkiisumik malinneqalissappat inatsisit arlallit allanngorteqqaartariaqassasut. Isumaqatigiisut malinneqassappat maleruagassat sorliit allanngortittariaqarneri nalunaarusiami allaaserineqarput. Maleruagassat allanngortinnerisigut allaffissornikkut kingunissat aningaasartuutissallu nalunaarusiami sammineqanngillat. Taamatut oqareerlunga oqaatigissavara inatsisit siunissami allanngortittariaqartutut nalunaarusiamilu allaaserineqartut allanngortinneqalerpata pineqartut isumassarsiorfigineqarumaarput. Kaammattuutigineqartut Avatangiisinut, Pinngortitamut Nukissiuuteqarnermullu Naalackersuisoqarfimmit tamakkiisumik ilisimaarineqarput inatsisissanilu periarfissaqartillugu ilanngunneqartarlutik. Aatsitassanut tunngatillugu Naalackersuisut suliniutinik aallartitsippat inatsilerituut innersuussutaani kaammattuutigineqartut ilaasa imarisaasa assingusinnaasunik.

**Akissut b):**

§ 37 naapertorlugu apeqqummut 99/2015 Avatangiisinut, Pinngortitamut Inatsisinillu Atuutsitsinermit Naalackersuisoq 20 april 2015-imi ilaatigut akissuteqarluni allappoq inatsilerinikkut ilisimasaqartutut nalunaarusiaq 200 missaanik quppernilik annertusoq, tassanilu Århusimi isumaqatigiisut malinneqassappat inatsisit sorliit allanngortittariaqassanersut allaaserineqarsimallutik.

Nalunaarusiami atuarneqarsinnaavoq Århusimi isumaqatigiisut tamakkiisumik malinneqassappat inatsisit assigiinngitsorpassuit allanngorteqqaartariaqassasut.

Isumaqatigiisut malinneqassappat maleruagassat sorliit allanngortittariaqarneri nalunaarusiami kisimi sammineqarput. Nalunaarusiami maleruagassat allanngortinnerisigut allannguutilluunniit allaffissornikkut suliarinerini allaffissornikkut aningaasatigullu pilliutissat sammineqanngillat.

Inatsisit pineqartut siunissami allanngortittariaqalissappata nalunaarusiaq isumassarsiorfissatut atorneqassanganneqarpoq.

Apeqqutigineqartunut taamatut akissutitut oqaaseqaateqarpunga.

Inussiarnersumik inuulluaqqusillunga

Med venlig hilsen



Kim Kielsen